



Republika e Kosovës
Republika Kosova - Republic of Kosovo
Qeveria - Vlada - Government
Ministria e Kulturës, Rinisë dhe Sportit / Ministarstvo Kulture, Omladine i Sporta
Ministry of Culture, Youth and Sport

Prishtinë, shkurt 2023

**THIRRJA PËR NGRITJEN E KAPACITETEVE PROFESIONALE TË
PROFESIONISTËVE TË RINJ NËPËRMJET MBËSHTETJES FINANCIARE
STUDIMORE NË FUSHËN E KULTURËS, TRASHËGIMISË KULTURORE DHE
SPORTIT
PËR VITIN 2023**

Ministria e Kulturës, Rinisë dhe Sportit (MKRS), rendit për vitin 2023 ndër prioritetet programore ngritjen e kapaciteteve profesionale dhe zhvillimin e kuadrove në fushat e kulturës, trashëgimisë kulturore dhe sportit. Theks të veçantë ka edukimin artistik të të rinjve, mbështetjen e hulumtimeve, kërkimeve dhe prezantimeve në fushën e trashëgimisë kulturore dhe edukimit profesional në fushën e sportit.

Të drejtë aplikimi në thirrjen publike për mbështetje financiare studimore kanë individët që dëshmojnë se programi studimor është i profilizuar në fushat specifike të kulturës, trashëgimisë kulturore dhe sportit siç janë të elaboruara më poshtë në kategoritë e thirrjes. Individët mund të aplikojnë në njërin nga kategoritë në vijim:

- 1. Mbështetje financiare për studime në fushën e kulturës;**
- 2. Mbështetje financiare për studime në fushën e trashëgimisë kulturore;**
- 3. Mbështetje financiare për studime në fushën e sportit.**

Përmes kësaj thirrjeje publike do të mbështeten programe të nivelit Bachelor, dhe programe të specializuara në Master dhe Doktoraturë për studime jashtë vendit.

Tre kategoritë e listuara më sipër janë të elaboruara në vijim duke zbërthyer synimet, profilet, kriteret e përgjithshme, periudhën e mbështetjes, si dhe shkallën maksimale të mbështetjes.

KATEGORIA E PARË:

Mbështetje financiare studimore në fushën e kulturës

Ministria e Kulturës, Rinisë dhe Sportit ka për synim edukimin artistik të të rinjve dhe zhvillimin e kuadrove profesionale me fokus në profilet kulturore. Ky konsolidim kualitativ dhe përmbajtësor i kuadrove që ndërlidhen me kulturën, parashihet të adresohet nëpërmjet mbështetjes financiare për individët të cilët studimet e tyre i kanë të fokusuar në profilet dhe fushat në kulturë të listuara si më poshtë:

1. Menaxhim i artit / Menaxhim kulturor;
2. Histori e artit;
3. Kritikë e artit;
4. Studime bibliotekare / Arkivim;
5. Koreografi;
6. Mjeshtër ndriçues për teatër ose/ dhe film;
7. Mjeshtër i zërit për teatër ose/ dhe film;
8. Kurator/e për galeri;
9. Restaurim i veprave të artit;
10. Të tjera.

Kush mund të aplikojë:

- Studentët;
- Profesionistët e rinj në fushën e kulturës;
- Profesionistët në fushën e kulturës.

Aplikantët duhet të kenë dëshminë e regjistrimit në njërin nga programet e lartpërmendura dhe të plotësojnë kriteret e përgjithshme minimale.

Kriteret e përgjithshme minimale janë:

- Të jenë shtetas të Republikës së Kosovës;
- Të mos ekzistojë ndonjë konflikt interesi në mes të aplikantit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës (aplikanti nuk mund të jetë i punësuar në MKRS ose institucionet vartëse të saj);
- Të jetë i/e pranuar/regjistruar në programin studimor Bachelor, Master ose Doktoraturë jashtë vendit, në ndonjërin prej profileve të kulturës të lartcekura.

Në rast të dështimit për të përmbushur ndonjërin nga kriteret e përgjithshme, aplikacioni do të konsiderohet i pakompletuar dhe si i tillë nuk do të kualifikohet për mbështetje financiare.

Periudha e mbështetjes financiare studimore:

Mbështetja financiare studimore vlen për semestrin e dytë të vitit akademik 2022/2023 dhe/ose për vitin akademik 2023/2024.

Shkalla e mbështetjes:

- Shuma maksimale e mbështetjes për përfituesit: 15,000.00 Euro
- Vlera maksimale totale e mbështetjes për kategorinë 1: 100,000.00 Euro

KATEGORIA E DYTË:

Mbështetje financiare studimore në fushën e trashëgimisë kulturore

Synim i Ministrisë së Kulturës, Rinisë dhe Sportit është mbështetja e hulumtimeve, kërkimeve dhe prezantimeve në fushën e trashëgimisë kulturore me fokus në profilet deficitare. Edhe ky synim parashihet të adresohet nëpërmjet mbështetjes financiare për individët të cilët fokusojnë studimet e tyre rreth fushave dhe profileve në trashëgiminë kulturore të listuara si më poshtë:

1. Arkitekturë - Konservim / Restaurim;
2. Planifikim hapësinor / Konservim i integruar;
3. Shkenca të Arkeologjisë;
4. Antropologji (fizike, biologjike, kulturore, dhe linguistike);
5. Histori e arkitekturës / Histori e artit;
6. Muzeologji (menaxhim i muzeve, programe kuratoriale, menaxhim i ekspozitave, hulumtim);
7. Konservim dhe restaurim i artefakteve (gur, dru, metal, tekstil, qeramikë etj);
8. Menaxhim i trashëgimisë kulturore;
9. Të tjera.

Kush mund të aplikojë:

- Studentët;
- Profesionistët e rinj në fushën e trashëgimisë kulturore;
- Profesionistët në fushën e trashëgimisë kulturore.

Aplikantët duhet të kenë dëshminë e regjistrimit në njërin nga programet e lartpërmendura, dhe të plotësojnë kriteret e përgjithshme minimale.

Kriteret e përgjithshme minimale janë:

- Të jenë shtetas të Republikës së Kosovës;
- Të mos ekzistojë ndonjë konflikti interesi në mes të aplikantit dhe organizatës buxhetore apo institucionit publik, siç parashihet me legjislacionin në fuqi në

Republikën e Kosovës (aplikanti nuk mund të jetë i punësuar në MKRS ose institucionet vartëse të saj);

- Të jetë i/e pranuar/regjistruar në programin studimor Bachelor, Master ose Doktoraturë jashtë vendit, në ndonjërin prej profileve të trashëgimisë kulturore të lartcekura.

Në rast të dështimit për të përmbushur ndonjërin nga kriteret e përgjithshme, aplikacioni do të konsiderohet i pakompletuar dhe si i tillë nuk do të kualifikohet për mbështetje financiare.

Periudha e mbështetjes financiare studimore:

Mbështetja financiare studimore vlen për semestrin e dytë të vitit akademik 2022/2023 dhe/ose për vitin akademik 2023/2024.

Shkalla e mbështetjes:

- Shuma maksimale e mbështetjes për përfituesit: 15,000.00 Euro
- Vlera maksimale totale e mbështetjes për kategorinë 2: 100,000.00 Euro

KATEGORIA E TRETË:

Mbështetje financiare studimore në fushën e sportit

Në fushën e sportit, Ministria e Kulturës, Rinisë dhe Sportit ka për synim ngritjen e kapaciteteve njerëzore dhe kuadrove me njohuri profesionale për menaxhimin dhe administrimin sportiv dhe mjekësinë sportive.

Ngritja e kuadrove profesionale në sektorin e sportit parashihet të adresohet nëpërmjet mbështetjes financiare për individët të cilët studimet e tyre i kanë të fokusuar në fushat dhe profilet e sportit të listuara si më poshtë:

1. Administrim / Menaxhim Sportiv;
2. Mjekësi Sportive;
3. Shkenca Sportive;
4. Biznes / Industri Sportive;
5. Gazetari Sportive;
6. Trajner Sportiv;
7. Menaxhim i ngjarjeve sportive;
8. Aktivitet Fizik dhe Shëndet;
9. Të tjera.

Kush mund të aplikojë:

- Studentët;

- Profesionistët e rinj në fushën e sportit;
- Profesionistët në fushën e sportit.

Aplikantët duhet të kenë dëshminë e regjistrimit në njërin nga programet e lartpërmendura, dhe të plotësojnë kriteret përkatëse të përgjithshme dhe të veçanta.

Kriteret e përgjithshme minimale janë:

- Të jenë shtetas të Republikës së Kosovës;
- Të mos ekzistojë ndonjë konflikt interesi në mes të aplikantit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës (aplikanti nuk mund të jetë i punësuar në MKRS ose institucionet vartëse të saj);
- Të jetë i/e pranuar/regjistruar në programin studimor Bachelor, Master ose Doktoraturë jashtë vendit, në ndonjërin prej profileve të sportit të lartcekura.

Në rast të dështimit për të përmbushur ndonjërin nga kriteret e përgjithshme, aplikacioni do të konsiderohet i pakompletuar dhe si i tillë nuk do të kualifikohet për mbështetje financiare.

Periudha e mbështetjes financiare studimore:

Mbështetja financiare studimore vlen për semestrin e dytë të vitit akademik 2022/2023 dhe/ose për vitin akademik 2023/2024.

Shkalla e mbështetjes:

- Shuma maksimale e mbështetjes për përfituesit: 15,000.00 Euro
- Vlera maksimale totale e mbështetjes për kategorinë 3: 100,000.00 Euro

Dokumentet e nevojshme për aplikim:

Dokumentet e nevojshme për aplikim duhet të jenë të radhitura sipas listës së dokumenteve të nevojshme të thirrjes publike, të specifikuara si më poshtë. Aplikimeve të cilave iu mungon ndonjë dokument nga kjo listë, do të eliminohen nga shqyrtimi i mëtejshëm i dosjes.

Aplikimi i individëve do të konsiderohet i plotë nëse përmban të gjitha format e aplikimit dhe anekset e detyrueshme siç kërkohet në thirrje publike dhe dokumentacionin e thirrjes si në vijim:

1. Formularin e aplikimit (të plotësuar dhe të nënshkruar);
2. Formularin e deklaratës të financimit të dyfishtë (*në rast se aplikanti është përfitues i fondeve të tjera mbështetëse për të njëjtin program*);
3. Formularin e propozim-buxhetit (të plotësuar dhe të nënshkruar);
4. Kopjen e letërnjoftimit ose pasaportës së Republikës së Kosovës;
5. Konfirmimin mbi llogarinë bankare të lëshuar nga banka përkatëse;
6. CV-në ose portfolion;

7. Kopjen e noterizuar të diplomës së shkollës së mesme, kopjen e noterizuar të vendimit për nostrifikimin e diplomës (nëse është diplomë e huaj), si dhe përkthimin zyrtar të diplomës nëse nuk është në ndonjëren prej gjuhëve zyrtare të Republikës së Kosovës (vetëm për studentët e regjistruar në nivelin Bachelor);
8. Kopjen e noterizuar të diplomës së studimeve bachelor, kopjen e noterizuar të vendimit për nostrifikimin e diplomës (nëse është diplomë e huaj), si dhe përkthimin zyrtar të diplomës nëse nuk është në ndonjëren prej gjuhëve zyrtare të Republikës së Kosovës (vetëm për studentët e regjistruar në nivelin Master);
9. Kopjen e noterizuar të diplomës së nivelit Master, kopjen e noterizuar të vendimit për nostrifikimin e diplomës (nëse është diplomë e huaj), si dhe përkthimin zyrtar të saj nëse nuk është në ndonjëren prej gjuhëve zyrtare të Republikës së Kosovës (vetëm për studentët e regjistruar në nivelin e Doktoraturës);
10. Dëshmi për pranimin/ regjistrimin në programin studimor të lëshuar nga fakulteti përkatës; (vetëm për studentët e rinj që sapo janë pranuar/regjistruar në fakultetin përkatës për të cilin aplikohet);
11. Dëshmi për vijueshmërinë e studimeve në programin studimor të lëshuar nga fakulteti përkatës (vetëm për studentët që tanimë vijnë studimet në fakultetin përkatës për të cilin aplikohet);
12. Transkriptën e notave të vitit/eve paraprake të programit studimor për të cilin individi aplikon për financim (vetëm për studentët e nivelit Bachelor dhe Master që tanimë vijnë studimet në fakultetin përkatës për të cilin aplikohet);
13. Programin e studimeve të lëshuar nga fakulteti përkatës;

Vlerësimi i aplikimeve:

Vlerësimi administrativ, që identifikon nëse aplikanti ka ofruar të gjithë dokumentacionin e nevojshëm në përputhje me kriteret e përgjithshme të përcaktuara me këtë thirrje publike për kategoritë përkatëse. Plotësimi i dokumentacionit pas afatit të aplikimit, përkatësisht gjatë periudhës së vlerësimit apo afatit të ankesave, nuk është i mundshëm.

Vlerësimi përmbajtësor që përfshin:

- Nëse aplikimi përputhet me fushëveprimin e kësaj thirrjeje publike;
- Nëse aplikimi kontribuon në përmbushjen e objektivave të përcaktuara me këtë thirrje publike për kategoritë përkatëse;
- Nëse kostot e aplikimit janë përbrenda shumave të përcaktuara me këtë thirrje.

Në rast të dështimit për të përmbushur ndonjërin nga kriteret e përgjithshme të përcaktuara me këtë thirrje publike për kategoritë përkatëse, aplikacioni do të konsiderohet i pakompletuar dhe si i tillë nuk do të kualifikohet për mbështetje financiare.

Shuma totale:

Vlera totale e planifikuar e thirrjes për mbështetje financiare studimore duke përfshirë të gjitha fushat: kulturë, trashëgimi kulturore dhe sport, është **300,000.00 Euro**.

Afati për aplikim:

Do të konsiderohen për mbështetje financiare vetëm aplikimet që janë pranuar brenda afatit të paraparë, të cilat i përmbushin plotësisht kushtet e përcaktuara me këtë thirrje publike. Afati i fundit për aplikim është 15 ditë pune dhe përfundon me datën **13.03.2023**.

Mënyra e aplikimit:

Individët duhet të aplikojnë në Thirrjen për Ngritjen e Kapaciteteve Profesionale të Profesionistëve të Rinj vetëm në formularët e paraparë, të cilët janë në dispozicion në ueb-faqen e MKRS-së: www.mkrs-ks.org. Individët duhet të aplikojnë në thirrje vetëm përmes postës elektronike në email adresën: studime.mkrs@rks-gov.net. Aplikimet e shtypura në formë fizike nuk do të pranohen për shqyrtim.

Titulli që duhet shënuar në subjekt të emaili-it:

Aplikim_Ngritja e Kapaciteteve Profesionale_EmriMbiemri_Sektori (Kulturë, Trashëgimi Kulturore apo Sport)

Më shumë informacione rreth thirrjes publike:

Të gjitha çështjet që lidhen me ftesën publike mund të sqarohen vetëm në mënyrë elektronike, duke dërguar e-mail në adresën: jehona.shyti@rks-gov.net, vjollca.aliu@rks-gov.net dhe aferdita.fazlia@rks-gov.net, jo më vonë se pesë ditë para mbylljes së ftesës publike.

LISTA E DOKUMENTEVE TË THIRRJES PUBLIKE

Formularët që i gjeni brenda ftesës publike:

- *Dokumentacioni i specifikuar në sektorin e "Dokumentet e nevojshme të aplikimit";*
- *F9. Formulari i aplikacionit;*
- *F10. Formulari i propozim-buxhetit;*
- *F13. Formulari mbi financimin nga burimet tjera mbështetëse.*